

# INUIT ATAQATIGIIT

## Inatsisartuni



UKA 2017/7

7-11-2017

Bendt B. Kristiansen

### **2018-imut aningaasanut inatsisissatut siunnersuut**

(Aningaasaqarnermut naalakkersuisoq)

Nuna ingerlalluassappat pisariaqartinneqarput inuiaqatigiit nukittuut, inuit nukittuut suliumassuseqartut, meeqqat toqqissimasut isumassorneqartullu siunissamut aqqutissiorluarneqarlutik.

Inatsisiliornikkut kommuninilu inunnik isumaginninnermi sullissinikkut innuttaasunut sullissineq maannakkornit pittaanerusumik aqqutissiorneqartariaqartoq Inuit Ataqatigiit isumaqarpugut.

Pisortani isumaginninnermi isumassuinerit pittaasumik tunngavissaqassappata Naalakkersuinikkut kommuninilu pittaasumik ingerlaaseqartoqartariaqarpoq. Isumassuinermi sullisisut atugaasa ullumikkornit suli pittaanerusumik tunngavissaqartinneqarnissaat aqqutissaasoq upperaarpuy.

Kommunit isumassuinikkut innuttaasunik pittaasumik sullissisinnaassagunik sulisoqarnikkut nukittorsarneqarnissaat pingaaruteqarluinnarpoq.

Kommunini sullisisut ilinniartitaanikkut pikkorissarnikkullu nukittorsartariaqarnerat naalakkersuinikkut aningaasatigut taperserneqangippat kommuninit kisimiillutik kivissinnaanngilaat.

Taamaammat Inuit Ataqatigiit piumasaraarput najugaq qimannagu inunnik isumaginninnermik siunnersortinngorniarneq ingerlasoq naammassippat nutaamik aallartittoqarnissaanut (decentral socialrådgiveruddannelse) aningaasaliisoqassasoq, isumaginninnermut siunnersortinut ikiortinik ilinniartitsinissamut (rådgivningsassistent) anginaasaliisoqassasoq, psykoterapeutinngoorniarnermut aningaasaliisoqassasoq kiisalu supervisorinngorniarnermut aningaasaliisoqassasoq. Pineqartut ilinniartitaanikkut periarfissaanerat nukittorsarneqarpat kommunini inunnik isumaginninnikkut sullissineq annertuumik kivitsiffiqineqarnerusinnaassaaq piffissarlu ungasinnejq isigalugu aningaasartuutikillisaqataasinnaasutut isigaarput.

Perorsaasutut ilinniarsimasut amerlanerit pisariaqartippagut, pingaartumik ulloq unnuarlu angerlarsimaffinni, ingammik meeqqat angerlarsimaffiini ullumikkut ilinniarsimannngittunik sulisoqarneq annertuumik atorneqarpoq. Tamanna meeqqanut pissutsinullu atuuttunut kipiluttunartumik inissisimatitsivoq, meeqqallu annertuumik sumiginnagaasimasut isumassorneqarnerisa pitsanngorsaavigineqarnissaannut aporfiulluni.

Inuit Ataqatigiit taamaammat najugaq qimannagu pædagoginngorniarnermut aammalu pædagogit aqutsisutut ilinniarsinnaanerannut aningaasaliisoqarnissaa piumasaraarputtaaq.

### **Sulerusussuseq - akisussaaqataaneq**

Sulerusussuseq inuit ataasiakkaarluta pigisarput tassaavoq inuiaqatigiit nukiat, tassaavoq inuiaqatigiinni aningaasanik kaavisitsisoq, tassaavoq inuiaqatigiit piumassusaat, sukarsuit 56 tusind-it. Sulinerup meeraanermilli kajuminnartutut nalilerneqarsinnaaqqullugu angerlarsimaffit ataasiakkaat annertuumik pisussaaffeqarput.

Sulinerup imminut akilersinnaasariaqarnera kialuunniit apeqqusernagu kissaatigaa. Silineq imminut akilersinnaanngittutut nalilerneqartillugu pisortanit ikorsiissutit aqqutigalugit inuuneq oqinnerusutut toqqarniarneqalersartoq paasisarparput, tamassuma takutippaa aaqqissuussaanikkut ataqatigiinngittoqartoq. Pingaartumik ilaqtariit meerartallit sulisartullu inuiaqatigiinni isertitakinnerit akunnattumillu isertitaqqortuut inuuniarnikkut oqinnerusumik aqqutissiuunneqartariaqartut Inuit Ataqatigiit isumaqarpugut.

### **Naligiinneq annerusoq**

Ilisimaneqartutut Inuit Ataqatigiinniit naligiinneq annerusoq tamatigut anguniartuarparput. Angutit arnat, inuaat assigiinngitsut, inuusuttut utoqqaallu, nunaqarfimmiut illoqarfimmiullu suullu assigiinngitsut tamatigut naligiinnerulernissaat ilungersuutigiuarparput. Minnerunngitsumilli pissaqassutsikkut inuiaqatigiit naligiinnerulernissarput qangali anguniagaraarput. Qularnanngitsumik ilaat aperiumassapput: Naligiinneq sooq tannarineqartuassava uffa inuit tamatta assigiinngitsuuusugut?

Siullermik, inuit tamarmik inatsisitigut naligiittussaapput, arlaannarpulluunniit pingaarerutinnejassanngilaq. Taamaammat pisuussutit inuiaqatigiit tamarmik pigisaasa agguataarneqarneranni inuiaqatigiit tamarmik naligiimmik pineqarnissaat pingaartilluinnarparput.

Aappassaannik, immaqalu suli pingaernerusumik: Inuiaqatigiinni kikkulluunniit tamarmik atorfissaqartinnejqarput, pingaartumik inuiaqatigiinni uatsitut ikittuinnaasuni taamaappoq. Nukiit tamarmik meerartatta utoqqartattalu aammalu napparsimasortatta innarluutilittattalu isumagineqarneranni pisariaqartinnejqarput. Aamma, inuiaqatigiit pissaqartinniarlugit inuussutissarsiornermi kikkut piginnaaneqarunnartut tamarmik pisariaqartinnejqarput.

Pingajussaannillu, pisuussutivut siammarsimammata siammarluta inuugatta sumiiffimmiut sumiiffimmut naligiinnerusumik atugaqartariaqarpugut taamaattoqanngippat inuiattut ataasisutut misigineq ajornakusuussammat. Tamanna pillugu nunap immikkoortuini naligiinneq annerusoq pillugu saqqummiussaqassaagut.

Naligiinneq annerusoq eqqarsaatigalugu Naalakkersuisooqatigiit aningaasanut inatsisissatut siunnersuutimminni meeqqanut ineqarnermullu tapinik pitsangorsaaniarnerat assorsuaq qujarupparput qulequtsiussarpummi eqqorluinnarlugu meerartavut tassaammata pisuussutitta annersaat taamaammallu sapinngisamik pitsaasunik atugaqartinnejqartussat.

Ineqarneq eqqarsaatigalugu Inuit Ataqatigiinniit Naalakkersuisunut aamma kajumissaarutigiumavarput ineqarnermut inatsisit siunissami misissuataarluaqqullugit. Ullumikkummi ineqarnikkut immikkoortortat imminnut napatittussanngorsimanerat pissutigalugu nunap immikkoortuini aningaasarsiornikkut ajornartorsiorfiusuni ineqarnermut akiliisinnaaneq ajornartorsiutaagaangat akiliisartutuannguit annertuumik nammakkerneqartarput. Taamaammat ineqarnermut tapitigut qanoq iliuuseqarniarneq iluarismaalarualuarlugu ineqarnermut tunngasut piffissami qanittumi isumaliutigeqqinnejarnissaat kajumissaarutigeriissavarput.

## **Pisuussutit tamatta pigaavut**

Naligiinneq annerusoq eqqartortillugu aamma nunatta pisuussutaasa tamatsinnit pigineqarnerat erseqqissartuarusupparput. Kikkut tamarmik aalisartuuvinnaannigillat aatsitassarsiorttuusinnaanatillu, taamaattumik aningaasarsiornikkut sakkussavut soorlu akitsuutit atorlugit pisuussutit kikkunnit tamanit iluaqtigineqarnissaannik Naalakkersuisut qularnaariniarnerat qajarupparput.

Tassungaannarli killeqartariaqanngilaq! Paasinarsippat pisuussutitta tamatta pigisatta iluaqtigineqarnerat inunnut ikittuinnarnut eqiterneqalersimasoq, taava uagut Inatsisartut Naalakkersuisullu inuiaqatigiit pigisaannik pitsaasumik nakkutiginnissalluta pisussaaffiligaasimasugut agguassinerup naligiinnerusunngortinnissaannik pisussaaffeqarpugut. Pisuussutit, aalisagaappata aatsitassaagaluarpataluunniit, naligiinnerusumik iluaqtigineqalernissaannut Inatsisartut Naalakkersuisullu sapiissuseqarnissaannik matumuunna kissaappavut, aammalu inatsisissatut siunnersuutaajunnartut tamatuminnga siunertallit tamaasa tapersorsoramaaratsigit inuiaqatigiinnut neriorsuutigissavarput.

## **Atortulersuutit**

Takornariartitsineq siunissami inuussutissarsiutissatut pingaaruteqalersussaavoq. Pinngortitamik annerusumik innarlinngikkaluarlugu takornariartitsinikkut annerusumik iluaqtigisinnavaarput. Takornariagassat qanorluunniit alutornartigigaluarunik pisariitsumik tikinnejqarsinnaanngikkunik iluaqtigineqarnavianngimmata tamatumunnga sillimmartaarluni mittarfiit Kalaallit Airport A/S aqqutigalugu piareersarneqalernerat nuannaarutigaarput, nutaanimmi isertitassaqarumalluni ilaatigut aningaasaleeqqaarnissaq pisariaqartarpoq. Nunalli immikkoortui allat aamma puigoqquunngaeaavut taamaammallu mittarfiit minnerusut ukiuni missingerssuusiorfiugallartuni sukumiinerusumik aningaasartalerneqarnissaat matumuuna noqqaassutigissavarput.

Kalaallit Airport A/S-imut aningaasalersuinissamik Naalakkersuisut siunnersuuteqarnerat suli mianersortumik, inuiaqatigiinnullu kingunerluutigisinnasaanik nalilersorluangaasumik ingerlariaqqissasoq Inuit Ataqatigiit isumaqarpugut, ujartoqqillugulu aningaasalersuinissamik pilersaarut tigussaanerusoq.

Apeqquit suli qulaajarneqanngittut nalilersorluagassallu ilagaat mittarfiit imminnut akilersinnaanngittutut taaneqartartut sullissinikkullu isumaqatigiissuteqarfiusut qanoq ilusilimmik siunissami ingerlanniarneqarnersut, taakkunanilu najungaqartut akitigut pilliutigineqannginnissaat. Pilersaarutigineqarpa mittarfiit pineqartut pisinnaasaasigut apparsarneqassasut ingerlatsinikkut akilersinnaanerulersinniarlugit? Taamaaliortoqassappat illoqarfinni pineqartuni angallannikkut qanoq sunniuteqassua?

Qaammatini kingullerni RAL-ip nassatanik assartuinermi ajornartorsiuteqarnera Naalakkersuisunit qisuararfingineqartoq malugaarpuit, pissusissamisuuinnarporlu RAL-ip assartuinermi ajornartorsiuteqarnerata piaernerpaamik aaqqiivigineqarnissaa. RAL-ip assartuinermi ajornartorsiuteqarnera namminersorlutik ingerlataqartunut sunniuteqarnerlooreersoq suli sivisunerusumik aaqqiivigineqanngittuassappat nunatta karsianut sunniuteqarnerlulerataannaammat ernummatingaarpuit.

Innaallagissamut imermullu akinik annertuumik apparsaanissaq Naalakkersuisut nalunaarutigivaat, soorunami taamak nalunaaruteqartoqarnera Inuit Ataqatigiinnit ilarismaarpuit, taamaattoq paassisutissanik sukumiinerusunik Inatsisartut saqqummiivigineqaqquvugut.

## **FN, inuttut piginnaatitaaffiit naggueqatigullu**

Nunatut qungujulaarutigilaanngittoorneq ajukkatta ilagaat nunat tamalaat akornanni oqaluttarfimmi pingaaruteqaqisumi FN-mi nunarpuit oqalussinnaanermik angusaqarnikuummat, tamassumalu anguneqarsinnaanera ICC-mit ukiorpassuarni ilungersorluni sulismanermit ilaatigut tunngaveqarpoq, taamaattumik ICC-mut aningaasaliissutit kr. 4 mio.-nik annertussuseqarnissaat suli tamakkiisumik attapparput.

## **Imigassamik atuineq**

Inuit Ataqatigiit pingaartilluinnarparput nunarsuarmi ilisimasat aallaavigalugit pinaveersaartsinermut aalajangersaasoqarnissaa. Taamaammat nuannaaritigaarpuit Naalakkersuisut imigassamut tunngatillugu inatsisinkiluuarsaaqqinnikkut Nunarsuarmi Peqqinnissamut Suliniaqatigiiffiup, WHO-p, sulissuteqarfigineqartussatut taallugit kaammattutigisai arlallit malinniarmatigit, iliuuseqartariaqavipugummi.

Inuaqatigiinni imigassamik atuinerup kingunerinik meeqlanuut inuuusuttunullu kingunipiluusartut ataatsimoorluta ingalassimatinniartariaqarpagut, inuaqatitsinnullu paaseqkoqaarput iliuuseqanngittoorsinnaannginnatta, meerartagut pillugit.

Imigassamik inatsisiliornerinnakkut iliuuseqarniartoqanngilaq, naalakkersuinikkuttaat kommunit isumassuinermi nukitorsarneqarnerat pimoorullugu suliarineqarpoq, imigassamik inatsisisap suliarinera susasaqartunik qanumut suleqateqarluni suli tulluussarneqarnera ingerlasoq kinguarsaqqinnagu aalajangiiffigineqartariaqarpoq, meerartagut pillugit.

Meeqlanuku toqqaannartumik oqariartuuteqartartut, ukiut kingulliit ingerlanerini piffinni ataasiinnaanngittumi meeqlat namminneerlutik oqariartuuteqartarpuit inersimasut imigassamik atuinerujussuat unittariaqartoq. Meeqlat oqariartuutaat imigassaannarmut tunnganeq ajorput, aamma ikiaroornartumik atuinerup ajornartorsiutaanera oqariartuutigisarpaat, soorluttaaq nukappiaraq rap-imik saqqummersitsisoq aamma oqariartortoq oqaaseq atorlugu angajoqqaat 'imiaroortut'.

Oqariartuutit taamaattut inatsisiliortutut tusaanngittuusaarsinnaanngilagut - iliuuseqartariaqarpugut.

## **Kulturikkut pikialaartitsineq siuarsarlugu**

Kulturi kulturikkullu suliniutit aliikkutassiaannaanngillat! Inuaat kinaassusiannik ersersitsisuupput, inuaqatigiinni inunniliu ataasiakkaani nukittoqutaapput, minnerunngitsumillu soorlu takornariartitsineq eqqarsaatigalugu napaniarnitsinnut

ilapittuutaaruujussuassapput. Taamaattumik Inuit Ataqatigiinnit isumaqarpugut kultuurilerisortatta annerusumik aningaasaliiffigineqarnissaat pinngittoorsinnaanngittooq

Nunatta isiginnaartitsisarfiata annerusumik aningaasalerneratigut nunatta sineriaani inuit isiginnaagassiatiqut misigisassiatigullu tикинneqarlutik periarfissinneqartarnissaat anguneqarsinnaanerulisssooq. Isiginnaartitsisarfiit aamma allat qinnuteqarfigisinnaasaannik pilersitsinissaq pisariaqartuutippalput.

Nunatsinni illoqarfinni kulturikkut illorsualiornissamik periarfissalinni, imaluunniit eqqumiitsulianik katersugaasivissatut suliniutinut siuarsaanissamik tunngaveqartumik aningaasanik qinnuteqarfiusinnaasumik kontomik pilersitsisoqartariaqarpoq.

Timersortartut nunarput sinnerlugu nuanut allanut unammisartut atugaat pittangorsartariaqarput.

Nunatsinni filmiliortartut siuarsarumallugit nuanut allanut Film Højskolinut allanullu siuarsaataasussanut siunertanut, pikkorissariarnissanut il.il. periarfissiissuteqaleqqinnissaq pisariaqarpoq, kiisalu filmiliortartunut filmværkstedeqalernissaa kissaatigaarput.

Minnerunngittumillu nunatta inuisalu atuakkiatigut pilersitsiortornissamik siuarsaavagineqarnissaat pisariaqaviskoq siuarsarumallugu aningaasaliivigineqaqqarput.

## Aatsitassarsioneq

Aatsitassarsiorneq tassaavoq nunatsinni inuussutissarsiornikkut aningaasarsiornikkullu siammasinnerusumik ineriertornissamut toqqammavileeqataasussa.

Ukioq manna maluginiarparput aatsitassarsiornikkut nunarput ilorraap tungaanut aallartoq. Taamaattoq nunarsuarmioqatitsinnut aatsitassarsiornermik ingerlataqangaatsiareersimasunut suli unammillersinnaanerput killeqarpoq. Naalakkersuisut Inuit Ataqatigiinnit kaammattorumavagut aatsitassamut inatsisip maanna atuuttup nunarsuarmioqatitsinnut unammillersinnaanerulernissaa anguniarlugu nalilersuissasut.

## Aalisarneq

Nunatta karsiata aalisarnermi isertittakkanik annertuumik naatsorsuuteqarnera ukioq manna uppermarseqqipparput. Diskobugt-imi qalerallit akullarnerisa kinguneranik nunatta karsiinnarinngisaa aammali Qaasuitsup Kommuniata aningaasaqarnera eqqorneqarput. Aalisarneq, tamatigut nunaqavissunut annerpaamik pissarsiaqfiusunngortinniarlugu sulissaagut. Pisussut qaquinneqarfimmini annerpaamik sulisoqarnikkut akileraartarnikkullu iluaqtigineqassaaq. Ukiuni aggersuni aalisakkap avammut tuniniarnerani nalittorsarneqarnissaa aalisarnermi susassaqartut tunisassiornermillu ingerlatsisut peqatigalugit inerisaavagineqartariaqarpoq, tamanna Naalakkersuisut suliassatut tingoreersimasaat apeqqutigerusunnarpoq sumut killissimanersoq.

Imartatsinni aalisagaqassutsip misissuiffigineqarnera annertunerusumik ingerlannejartariaqartoq isumaqarpugut, taamaattumik Pinngortitaleriffik umiarsuarmik misissuummik nutaamik pissarsiniarnissamik misissuilermat qujarupparput, piffissarlu iluatsillugu ujartorlutigit saarulleqassutsimut paassisutissat

maannakkornit sukumiinerusut, aammalu saarulliup qaqugukkut tammakaqqittarneranut ilisimasat annertunerusut, qularissanngilarpummi saarulleqassutsimi oqaluttuarisaaneq naapertorlugu saarullik tammakaqqikkumaarmat, taamallu pisoqaqqinnginnarani sapinngisarput tamaat aalisarnikkut nunattalu karsianut iluaqtiginiartariaqarparput.

Aalisarnermut inatsisissap siullermeerneqarnissaa aanaralaannguanngorpoq, sulilu inatsisartunut saqqummiunneqarani. Naalakkersuisut aperisariaqalersoraagut ilumut piviusorsiorsurineraat ukiaq manna ataatsimiinnermi aalisarnermut inatsisissap oqaluuserineqarnissaa ilumut angumerineqarsinnaanersoq.

Inuit Ataqatigiit aalisarnermut inatsisip nutarternerani mianerisassatut tikkuarusutavut uteqqillagut. Siullertut suleriaaseq, politikkikkut suliassaq pitsasumik suiliarineqarsimassaaq politikerit akornatsinni taamaallaat oqallinnata inuaqatigiinnili susassaqartut qanimat suleqatigalutigit. Aaqqissuusseqqinnerit taama annertutigisut peqataatitsilluarluta suliassaraavut. Inuaqatigiit nappatigisaannut inuussutissarsiummut tamanna suli annermik pingaaruteqarpoq.

### **Missingersuutit oqimaaqatigiissut**

Aningaasanut inatsisissaq siullermeerneqarnermini kr. 8 mio.-nik sinneqartoorfiusussaangaluaq kr. 8 mio.-nik amingartoorfiusussanngortutut saqqummiunneqarpoq. Inuit Ataqatigiit pingaartipparput pingajussaanneerinninnissaq pitinnagu aalisarnermut inatsisissap tusarniutigineqarnerani nunatta karsianut sunniutigiumaagassat kr. 180 mio.-nik annertussusilerneqarsimasut ersarissumik nalornissutigineqarsinnaajunnaarlugit inatsisartunut nassuiardeqassasut.

Taamatut oqaaseqarluta Aningaasaqarnermut Akileraartarnermullu ataatsimiititaliap inassuteqaatai akueraagut.